

古今圖書集成

中華書局影印

第一七六冊

方輿彙編

職方典

雲南總部

雲南府部

(卷)

一四六

一四七 一四八

政司舉行間以陞遷中止近年巡撫都御史汪文盛亦會委官踏勘以征南中止事功之會人咸惜之令無批行總司會同布都二司從長計議先將東西二道各委能幹文武重職帶同屬官多給官銀督同本處土官土舍俱優其廩給帶領木竹石鐵等匠厚其口糧衣鞋沿途用銀雇倩熟知地理鄉導人役隨帶小艇及沿河採買竹木劄爲簿役乘載通行逐處踏勘直至馬湖大江而止中間要見舟楫無碍徑行者幾處危石可擊者幾處幾丈尺如有絕險人力所不能施者或作兩截盤運沿河陸路可通者幾處不通者幾處應合開闢者幾處幾里幾十步及沿河有無人烟稀密堪立驛遞鋪分哨堡等項各計合用夫力工匠若干錢糧若干悉心料理勘估明白畫圖帖說井將用過官銀具絲造冊回報然後擬議奏請行委三司堂上官親詣督理開通施行則不獨一時一方之利實國家久安長治之計也

南金沙江源流考

張機

按大金沙江發源崑崙山西北吐蕃地即夏禹所導黑水也雖與雲南小金沙江及瀾滄潞江皆發源吐蕃然大金沙江之源較三江最荒遠且其源與三江源迥不相近其下流亦十倍小金沙江及瀾滄二江之外按禹貢華陽黑水惟梁州黑水西河惟雍州周文安辯疑錄云甘肅志甘州之西十里有黑水流入居延海肅州之西北有黑水東流遐邇莫窮所之是其源入雍州之西流入梁州之西南其正西別流遶西極之外而無所據見地勢西北最高故能經西而西南也雲南志載金沙江出西蕃流至緬甸其廣五

里徑趨南海得非黑水源出張掖流入南海者乎河源在中州西南直四川馬湖蠻邦之正西三千餘里雲南麗江宣撫司之西北一千五百餘里愚觀黃河源近雲南地則大金沙江源自番雍之地南入緬海論雍梁間水惟此大耳此水爲黑水無足辨矣朱子云天下有三大水曰黃河曰長江曰鴨綠江此語無怪也宋初斧耑雲南南渡又偏安一隅朱子又從何知有此江之長廣於江河哉黃真元又云考大金沙江瀾滄三水雖皆入南海大小遠近迥不同瀾滄潞四分之一大金沙倍於瀾滄瀾滄所出地名在鹿石山在雍望俱可窮源上流亦狹大金沙江之源則遠出番域上流已闊澄若重溟動然深碧夏秋漲溢江色不變若比於揚子浪滄一小溪即詩語大金沙江之長廣又可知矣其注云旁多松有琥珀自孟養地來孟養正在金沙江之濱今瀾滄不聞有琥珀大理志指瀾滄爲黑水亦不深考耳相傳大金沙江上源近大宛國自里麻茶山至孟養極北不聞有所往號赤髮野人境峭壁不可梯繩弱水不任舟楫土人惟遠見川外隱隱有人馬形似殆西羌之域也今始略其源惟自其經流支流入海可見者言之水流至孟養陸阻地有二大水自西北來一名大居江或云大車江一名檳榔江二水至此合流又名大盈江今騰越州人總甸內諸水亦曰大盈江殆竊侈其名也江流至此彝人方名其爲金沙江中產綠玉黃金銅子金精石黑玉水晶間出白玉濱江山下出琥珀舊志以琥珀綠玉出瀾滄江者謬矣昔年王靖遠將定西追麓川叛賊思機發思卜發弟兄造船飛渡孟養

及復與思祿盟誓江乾石爛乃許其過江者皆此江也滇人相傳名大金沙江若以別麗江北勝武定馬湖之小金沙江耳自此南流經官猛莫嘍莫郎至猛掌有一江西來入大金沙江又南下昔什朴昨猛莫猛外經蠻莫有一江源自騰越大盈經鎮彝南甸千崖受展西茶山古湧諸水伏流南牙山麓出經蠻莫入大金沙江江又經蠻法魯勒孟拱遮籠管屯大莒蒲山峽小莒蒲山峽課馬孟養伯崩山峽戶董鬼哭山受撒昔年緬人攻孟養以船運兵餉到受撒爲孟養所敗者此江也正統中蔣雄率兵追思機發爲緬人所壓殺於江中亦此江也大約江自蠻莫以上山聳水陡正統中郭登自貢章順流不十日至緬甸者亦此江也下流經溫板有一江源自騰越龍川江經界尾高黎共山隴川猛乃猛密所部莫勒江至太公城江頭城入於金沙江下流又經猛吉準古溫板又名溫板江溫板又名流沙河皆金沙江也猛養馬噠喇至江頭城江中有大山極秀聳山有大寺又有一江源自猛辦洗母受南來入大金沙江又經止即龍大馬革底馬撒騰馬入南海其江至蠻莫以下地勢平衍闊可十五餘里舊志云五里者非也經南江益寬流益漫緬人善舟又善泅水操櫓楫者如涉平地至是江海之水渚爲一色矣文選載佛經云拔提河一名金沙池脫履金沙云云金沙江亦名拔提河矣今再附考蒙化府志瀾滄江與漾濞江蒙人謂之二江合西洱河勝蒲河至順蒙交界處土人謂之羅擦聚日出水光蕩射可觀不二十餘日至錦龍江即水下流海客船多會易於此漸漸至南海永昌府志潞

江一名怒江水經注云漏江楊慎云漏江今訛爲潞江源出吐番流經芒市至木邦地名啞哩江又流經八百車里地至擺古東入南海自木邦以下即可通舟楫昔年隨川多士寧潛往擺古見莽瑞體皆錄此江順流而下也舊傳潞江流至洪門車里沙磧沒散與近騰越志以爲入大金沙江皆非是愚嘗謂三江皆可舟可航彝人欲據險隱塞不使通行豈知天地設此三江正爲朝廷制取西南緬甸諸彝設當事者誠不可忽而不講求也異日聖天子問緬甸諸彝久不朝貢之罪則此三江者固漢家樓船下番禺出奇制粵之牂柯江也

北金沙江源流考

前人

按金沙江源出吐番共隴川犂牛石下謂之犂牛河亦曰犂水訛犂爲麗又名麗江即古麗水以其江產黃金故名金沙元憲宗取大理用革囊以濟者即此也其流經吐番鐵城橋東經麗江府巨津寶山二州又東經鶴慶府北勝州姚安府又自武定府北界經黎溪州蒙氏僭封爲四潰之一亦即此江也又自武定下流入瀋慮部彝人擊桐槽船以通往來行旅遂名金沙渡又西過四川東川府一名黑水一名納彝然皆金沙江別名又經四川行都司會川建昌德昌打衝等衛所又經烏蒙府又經馬湖府蠻彝長官司與馬湖江相合下流至叙州入岷江矣今自其支流者言之大理賓川大江北入金沙江鶴慶漢共江東南至龍珠山入石穴伏流復出金沙江三莊河與漾共江會流入金沙江北勝州桑園河經州西南桑園村下流入金沙江龍潭泉有九眼下流入金沙江程

湖南入金沙江姚安府蜻蛉河西經大姚縣東入金沙江龍蛟江一名直泡江合姚州連場香水二河入金沙江安寧州螳螂川即滇池所泄下流潞州治上過昆陽州下經富民縣入金沙江楚雄府龍川江西合諸水爲戛嶺川又東合諸水經定遠縣黑鹽井下流入金沙江考安寧楚雄二水雖小可通舟楫武定府西溪河經楚雄府至元謀縣西入金沙江又勒彝水普渡河俱入金沙江以上皆雲南之水朝宗於東海順流於中國者四川東川府牛欄江源出尋甸府入金沙江辟谷川源出尋甸府白津河西入金沙江越嶲衛大渡河源出吐蕃下流合馬湖江四川行都司寧遠河西南合瀘水入金沙江懷遠河南合瀘水入金沙江鹽井衛越嶲河東合打冲河入金沙江雙橋河流經打冲河入金沙江會川衛瀘古河河出小相公嶺入金沙江打冲河千戶所打冲河蠻名黑惠江又名納彝江源出吐蕃下流入金沙江冕橋千戶所東河源出小相公嶺會瀘古河入金沙江四川行都司南瀘水源出吐蕃南入金沙江元史云水源廣而多瘴鮮有行者春夏常熱可燭雞豚諸葛武侯五月渡瀘即此水也元李景山云益州記水經俱以瀘水在未昌不韋縣寰宇記以爲在州會川縣景因出使越嶲考瀘水源蓋建昌瀘川驛有孟獲城又有瀘古州孔明渡瀘縣楊州入益即滇池此名渡瀘爲有驗今水出吐蕃過建昌會川合金沙江夾岸多高崖叢草故下波如經帆釜炎蒸抑鬱多感瘴癘至今猶然或以金沙江即瀘水誤矣雲南之水迤東可通中國者如雲南府大城江自陽宗明湖經宜良入

盤江臨安之瀘江曲江蔘今江入盤江滇江府之盤江鐵赤河入盤江廣西府之八甸溪入盤江盤江至府境水爲大曲靖府之瀘湘江白石江合盤江經交水至彌勒入平伐橫山寨下經廣西靜江入于海廣南府西洋江入廣西田州府右江南汪溪亦入右江尋甸州阿交合溪入霑益州界北在經理廣西田州水陸者安可忽之哉如大理府西洱河下與漾濞江合流入瀾滄江漾濞亦名神莊江瀾滄江源出吐蕃自西而南至于麗江蘭州雲龍過永昌楚雄臨安軍里大甸七十城門至交趾入海趙州白巖臉江一名赤水江下流至定邊名禮社江瀾滄江臨安府西有禮社江入納樓茶甸界爲祿豐江經合蒙自爲梨花江注于交趾清水江楚雄府馬龍江源自蒙化境由定邊磅嘉合白巖臉江南入元江景東瀾滄江大河源出定邊入馬龍江景東府杉木江馬湧江合南浪江入威遠州界末寧府羅易江北過府境勒汲河入四川鹽井衛界順寧府備溪江西洱漾濞二水合流至本府鐵場山下入瀾滄江故名元江府禮社江一名元江源出白巖臉江合瀾滄江諸水入交趾新化州摩勒江即禮社江下流至元江入交趾者樂甸長官景東河源出景東經本甸下入馬龍江北勝州羅易江入末寧府白角河入西蕃界末昌府瀾滄江銀龍江入瀾滄江勝備河入備溪江路江一名怒江經芒市木邦八百下流爲噶哩河經擺古入南海檳榔江出吐蕃遠金齒百彝經千崖阿昔下合大車江至江頭城騰越大盈江一名大車入南甸爲小梁河至千崖爲安樂河西流爲檳榔江龍川江下流至緬甸

章政事蔚若王昇風裁凜然燭若張叔董文彥義以拒賊死睢陽之忠呂季平誓不附雍茂子卿之圖傳寶南州人傑仲宣齊名經術張英身代時勉之罪郭文秀發相如之曲和光道人廉惠先生恥於利祿居恬政明又若爨字釋蚪蚪之文策師精卜數之撰麥宗通番蠻之書草書綴義之帖義若用之節若方圮出將入相若一清守死善道若繼魯廷璧剛直不阿有澄清當世之志希載博雅修潔遠拯溺亨屯之體近則山嶽炳靈風氣弘啓英俊迭出未可枚舉當盛世而擅名稽海內而爲擬是游談者之樂譽景行者之仰止石潭先生咽然嘆曰壯哉吾子其善遊乎余舊有志於是縱言琅琳實獲我心潛我之沉疴開我之靈襟奇奇怪怪恍恍奪神而今惜其去予而之湖荆也演雲子佛然不釋曰石門劍閣三巴綿絡楚王夢遊之陽臺大禹黑水之流擊峨峨振之以舒抱江潼藉之以披靡物不終聚復云駕言泣然淋淋不知其然

滇中茶花記

馮時可

茶花最甲海內種類七十有二冬末春初盛開大於牡丹一望若火齊雲錦燦日蒸霞南城南直指有茶花百韻詩言茶有十絕一壽經三四百年尚如新植一枝幹高竦四五丈大可合抱一膚紋蒼潤黯若古雲氣罇罇一枝條勁糾狀似麀尾龍形一蟠根輪困離奇可凭而几可藉而枕一豐葉森沉如幄一性耐霜雪四時常青一次第開放歷二三月一水養瓶中十餘日顏色不變直指公有百韻甚工

雲南總部藝文三

送李宓雲南伐蠻

唐儲光義

昆明滇滇池蓋爾敢逆常天星耀鐵鎖甲彼西南方總宰統元戎太守齒軍行囊括千萬里矢謨在廟堂耀耀金虎符一息到炎荒鬼兵自交趾茂舍出瀘陽羣山高嶺岩凌越如鳥翔封豕驟踰伏巨象遙披攘迴溪深天淵揭厲踰舟梁元武掃狐城蛟龍除方良雷靈隨神兵礪礪動穹蒼斬伐若草木繫纆同豕羊除醜飲瀾河咽吹亂行藏君子惡薄險王師恥重傷廣軍設置梁太白收光芒邊吏評縣道新書行紀綱劍閣掉勒歸武弁朝建章龍樓加命服解手擁秋霜邦人頌靈旗側聽何洋洋京觀在七德休哉我神皇賀李宓伐蠻歸詩 高適

西蕃書

元張翥

西道出印契百里彌菁林僂行不見日刺木鬱蕭森伏莽有瘳瘳巢枝無越禽根盤三嶺險氣接西蕃深銀山雪夏白金沙嵐畫黔主恩界良帥時平靖蠻心

風威所播酒瘴地空毒淫願言闕南微蔽以樹棠陰
李材

送楊耀卿使雲南

飄飄使節出金閨郭曉臺前暫解攜天入五溪無馬到地經三峽有猿啼千雲舊里風烟在太尉家聲日月齊明夜客棹何處望秋河迢遞碧雲低

雲南詩

明史公謹

城南雙塔高嵯峨城北千山如湧波隔斷中原萬餘里耳邊無處聞絃歌我來正值兵戈後厭聽邊聲出刁斗壯士沉雄細柳營豈效棘門空趕赴金戈鐵馬擁雲霧顧爾羣兒如培塿軍中大將漢武侯氣吐虹霓橫素秋七擒七縱平其酋殺氣慘淒空中收羣氓赴墟出方物踴躍奔馬隨旄牛蠻語侏僂若禽鳥笑聽華言無語曉橫橫跋扈無尊卑驕覺王臣眼中小回首令人憶中國拔劍高歌倚天立碧雞蒼蒼元氣濕梁王宮殿爲荆棘鷓鴣朝鳴孤夜集金滿牀頭認何益不如一醉杏花村濯足昆明看山色

賦得滇池夜月

郭文

長天無雲山四青白月在水搖虛明冷涵萬象鏡光裏乾坤一色秋冥冥玉壺載酒遊空碧人在清涼水晶域座中何郎湖海客醉眼却嫌滇水窄飄飄書劍不可留坐令樂事成離憂安得身如水與月千里萬里隨君舟

滇南卽事

沐璘

設說滇南俗人民半雜彝管絃春舍早燈火夜街遲問藏占雞骨禳因瘵虎皮轎車巡歷處時聽語侏僂入滇

張時微

天邊乘傳客歷險到殊方草長知烽息民流屬歲荒

巖花薰澗壑木葉墮衣裳何事秋風起愁看白髮長
又

山路日多雨我行猶未休碧溪雲不定青草瘴仍浮
客久旌旄落天空鶴鶴秋卜居何以賦長嘯攬吳鉤

登瀛城觀兵

張佳印

城上西風落客衣炎旄木葉未全稀高臺臺並方旆
立列嶂青從埤堦歸壁壘秋聲傳夜柝昆池烽火半
魚磯王師何日收新郡徒倚浮雲正北飛

送黃侍御申按雲南

李攀龍

久矣乘風瘴癘開西南萬里壯遊哉登臺越嶺山形
合攬轡昆明秋色來周禮職方天外盡漢臣封事日
邊迴征蠻幕府今凋落安得樓船下瀨才

送周憲副之雲南

吳國倫

主恩君已三持節益部聲名異日傳漢署共瞻驄馬
使彝荒今上白猿篇嚴旌畫指昆明日憲府秋開越
嶺天好見折衝樽俎上近來南國並風煙

送莫文學滇南典試

前人

橫經雅化諸生範捧檄俄趨萬里遊天盡西南標漢
柱山懸金碧護梁州文名却借青氈重國士應同白
璧收不是千金價一顧誰令荒服共驂騑

送段虛舟還滇

嚴清

七載離鄉客思盈那堪兩見故人行剝郎觀裏桃空
發郭隗臺邊草漫繁素志肯遺酬國願白頭暫慰倚
門情君歸我滯誰爲伴萬里秋空共月明

滇海曲

楊慎

碧鷄金馬古梁州銅柱銑橋天際頭試問平滇功第
一逢人惟說潁川侯

二

化城樓閣壯人寰澤國封疆鎮兩關雲氣開成銀色
界天工新出點蒼山

三

沙金海貝出西荒桃竹植華貢上方香象渡河來佛
子白狼架木拜夷王

四

砌房草閣敞舞庭側島懸崖控絕徑鷄足已窮章亥
步驚頭空入梵王經

五

湖蕩魚蝦農積場市橋燈火夜交光油意洞戶吳商
肆羅帕封頤焚婦織

六

蘋香波暖泛雲津漁樵歌曲水滇天氣常如二三
月花枝不斷四時春

七

煮海饒郎眼灑沙避風估客夜乘槎雪浮梗稻壓春
酒震嚼檳榔呼早茶

八

海濱龍沛赴春會江曲魚村弄晚霞孔雀行穿鸚鵡
樹錦鸞飛咏杜鵑花

春望

前人

春光先到海東頭春興催人獨上樓最是晚來凝望
處曲堤煙柳似皇州

二

滇海風多不起沙汀洲新綠徧天涯采方亦有江南
意十里春波遠泛花

三

古岸新花金碧叢昆池三百水烟通梁王閣道青蕪
國漁父帆檣白鳥風

寄滇南諸人

平順

林泉有約共投閒歸伴先生放白鵬昨夜夢魂清化
鶴憂然鳴到碧雞山

寄滇中友人

前人

夢入滇池卷白波蜜檀花發暖風多畫船總載江南
客齊唱吳腔子夜歌

二

春水花明玉案山寶雲螺翠小烟鬟臨早羽客空長
揖不載清風鶴夢還

滇南七夕歌憶升庵楊公因寄

并序

朱曰藩

予少日遊滇南見其土風每歲七夕前半月人家
女郎年十二三以上者各分曹相聚以香火花果
爲供連臂踏歌乞巧於天孫詞甚哀婉暇日因採
其意爲滇南七夕歌三首末首有懷升庵楊公因
併系之曹子桓云爾獨何事限川梁悲夫誰則爲
動念哉

一宵爭抵一年長猶度金針到綉牀天下眞成長會
合昆明池上兩鸞鸞

二

綵袖飛來山上山小樓金馬墮雲鬟杏花滿地無人
掃二十年前菩薩蠻

三

錦窠何必奪丘遲畢竟還他蜀錦奇近日錦官空擅
一

巧博南山下乞蠻姬

昆明池歌

顧應祥

昆明池延袤數百里千山萬山直自崑崙來諸山之
水匯於此相傳其水顛倒流滇池之名由此始左有
金馬山右有碧雞峯瀾漫浩瀚渺無際但見洪濤巨
浪日夕排蒼空青天忽驚白日不起霹靂振撼蛟龍宮
天吳水怪九首八足不可以名狀時復出沒於其中
有時風恬波浪息一碧萬頃開青銅其廣也如此胡
爲乎不在九域之內不得與五湖七澤相爭雄神禹
治水迹不到穆王八駿難爲窮漢主鑿池徒髣髴王
褒將命何匆匆唐宋以來各僭據聲教不與中國通
天開景運聖人出一掃海內羣邪空五服之外更五
服仇首受命歸提封侏儒惟結之類吾不知其幾千
萬種禮樂不異車書同泐余生當全勝日觀風雨度
乘青驄古來多少豪傑士局於偏安之世不得一洗
瑰磊曾百年過眼一彈指得此勝覽真奇逢振衣獨
立太華頂狂歌日斷孤飛鴻

雲南總部紀事

史記西南夷傳始楚威王時使將軍莊蹻將兵循江
上略巴蜀黔中以西莊蹻者故楚莊王苗裔也蹻至
滇池地方三百里旁平地肥饒數千里以兵威定屬
楚欲歸報會秦擊奪楚巴黔中郡道塞不通因還以
其衆王滇爰服從其俗以長之
武帝元狩元年博望侯張騫使大夏來言居大夏時
見蜀布邛竹杖使問所從來曰從東南身毒國可數
千里得蜀賈人市或聞邛西可二千里有身毒國焉

因盛言大夏在漢西南幕中國患何如隔其道誠通

蜀身毒國道便近有利無害於是天子乃令王然于
柏始昌呂越人等使開出西夷西指求身毒國至滇
滇王嘗先乃酋爲求道西十餘輩餘皆閉昆明莫
能通身毒國滇王與漢使者言曰漢孰與我大及夜
郎侯亦然以道不通故各自以爲一州主不知漢廣
大使者還因盛言滇大國足事親附天子注意焉及
至南越反上使馳義侯因犍爲發南夷兵且蘭君恐
遠行旁國虜其老弱乃與其衆反殺使者及犍爲太
守漢乃發巴蜀罪人皆擊南越者八校尉擊破之會
越已被漢八校尉不下卽引兵還行誅頭蘭頭蘭常
隔滇道者也已平頭蘭遂平南夷爲牂牁郡夜郎侯
始倚南越南越已滅會還誅反者夜郎遂入朝上以
爲夜郎王南越破後及漢誅且蘭邛君并殺犍侯冉
曉皆振恐請臣置吏頭蘭卽且蘭也
元封二年上使王然于以越破及誅南夷兵威風論
滇王入朝滇王者其衆數萬人其旁東北有勞浸靡
莫皆同姓相扶未肯聽勞浸靡莫數侵犯使者吏卒
元封二年天子發巴蜀兵擊滅勞浸靡莫以兵臨滇
滇王始首善以故弗誅滇王離難西南夷舉國降請
置吏入朝於是益州郡賜滇王王印復長其民
西南夷君長以百數獨滇小邑最寵焉
後漢書西南夷傳滇王者莊蹻之後也元封二年武
帝平之以其地爲益州郡割牂牁越嶲各數縣配之
後數年復并昆明地皆以屬之此郡有池周回二百
餘里水源深廣而未更淺狹有似倒流故謂之滇池
河土平敞多出鸚鵡孔雀有鹽池田漁之饒金銀畜

產之富人俗豪怙居官者皆富及累世

成帝河平中夜郎王興與鉤町王禹漏臥侯愈更舉
兵相攻牂牁太守請發兵誅興等議者以爲道遠不
可擊乃遣大中大夫蜀郡張匡持節和解興等不從
大將軍鳳於是薦金城司馬陳立爲牂牁太守立者
臨邛人前爲連然長不韋令蠻夷畏之及至牂牁論
告夜郎王興與不從命立請誅之未報乃從吏數十
人出行縣至興國且同亭召興與將數千人往至亭
從邑君數十人入見立立數責因斷頭邑君曰將軍
誅亡狀爲民除害願出曉士衆以興頭示之皆釋兵
降鉤町王禹漏臥侯愈震恐入衆千斛牛羊勞吏士
立還歸郡與妻父翁指與興千邪務收餘兵追脅旁
二十二邑反至冬立奏募諸夷與都尉長史分將攻
翁指等翁指指陳阨爲壘立使奇兵絕其饒道縱反間
以誘其衆都尉萬年曰兵久不決費不可共引兵獨
進賊走趨立營立怒叱賊下令格之都尉復還職立
引兵救之時天大旱三攻絕其水道蠻夷共斬翁指
持首出降漏臥夷邑名後爲縣
王莽篡位改漢制貶鉤町王以爲侯王郡怨恨牂牁
大尹周欽詐殺郡都弟承攻殺欽州郡擊之不能服
三邊蠻夷悉擾盡反復殺益州大尹程降莽遣平蠻
將軍馮茂發巴蜀犍爲吏士賦斂取足於民以擊益
州出入三年疾疫死者什七巴蜀擾動莽徵茂還誅
之史遺寧始將軍廉丹與庸部牧史熊大發天水隴
西騎士廣漢巴蜀犍爲吏民十萬人轉輸者合二十
萬人擊之始至頗斬首數千其後軍糧前後不相及
士卒饑疫三歲餘死者數萬而粵犍蠻夷任貴亦殺

太守枚根自立爲印穀王會莽敗漢興誅貴復舊號云

公孫述時大姓龍傳尹董氏與郡功曹謝通保境爲漢乃遣使從番禺江奉貢光武嘉之並加褒賞

王莽亂政益州郡夷棟薑若豆等起兵殺郡守越雋姑復夷人大牟亦皆叛殺略吏人莽遣寧始將軍廉丹發巴蜀吏人及轉兵穀卒徒十餘萬擊之吏士饑疫連年不能克而還以廣漢文齊爲太守造起陂池開通漚溉墾田二千餘頃率屬兵馬修障塞降集羣夷甚得其和及公孫述據益上齊固守拒險逃拘其妻子許以封侯齊遂不降聞光武即位乃間道遣使自聞蜀平徵爲鎮遠將軍封成義侯於道卒詔爲起祠堂郡人立廟祀之

王莽時越雋郡守枚根調印人長貴以爲軍候更始二年長貴率種人攻殺枚根自立爲印穀王領太守事又降於公孫述述取光武封長貴爲印穀王王莽篡亂氏人亦叛建武初氏人悉附龍蜀及隗囂滅其酋豪乃背公孫述降漢龍西太守馬援上復其王侯君長賜以印綬後黨族人隗茂反殺武都太守氏人大豪齊鍾面爲種類所敬信咸服諸豪與郡丞孔奮擊茂破斬之後亦時爲寇盜郡縣討破之建武十八年夷渠帥棟薑與姑復棟檣樛連然演池建憐昆明諸種反叛殺長吏益州太守繁勝與戰而敗退保米提十九年遣武威將軍劉尚等發廣漢犍爲蜀郡人及朱提夷合萬三千人擊之尚軍遂渡瀘水入益州界羣夷聞大兵至皆棄壘奔走尚獲其羸弱殺畜二十年進兵與棟檣等連戰數月皆破之

明年正月追至不韋斬棟檣帥凡首虜七千餘人得生口五千七百人馬三千匹牛羊三萬餘頭諸夷悉平

通志諸葛亮南征嘗撫琴滇人有願學者乃著琴經一卷述琴之始及七絃十三徽之音意於是滇人始知琴

諸葛亮入南中從征者冬暮思歸乃各與一磚曰臥枕此即抵家從之果然不用命者終莫能歸又嘗用炊釜自隨不炊自熟以防不時之需

雲南志略蜀建興三年諸葛亮南征聞孟獲爲夷漢所服募生致之凡七縱七擒獲曰公天威也南人不復反矣諸部悉平亮即其渠帥而用之或以陳亮亮曰若舊外人而無兵必成禍患今吾欲不置兵運糧紀綱初定夷漢初安於是悉收豪傑以爲官屬出其金銀丹漆牛馬以給軍國用終亮之世夷不復反

晉書王遜傳惠帝末西南夷叛寧州刺史李毅卒城中百餘人奉教女固守經年永嘉四年治中毛孟詣京師求刺史不見省孟固陳曰君亡親喪幽閉窮城萬里訴哀不垂愍救既懸包胥無哭秦之憾又愧梁妻無崩城之驗存不若亡乞賜臣死朝廷憐之乃以遜爲南夷校尉寧州刺史使於郡便之鎮遜與孟俱行道遇寇賊踰年乃至外逼李雄內有夷寇吏士散沒城邑丘墟遜披荒糾厲收聚離散專仗威刑鞭撻殊俗邇未到州遠舉董聯爲秀才建寧功曹周悅謂聯非才不下版檄遜既到收悅殺之悅弟潛謀殺遜以前建寧太守趙混子潛代爲刺史事覺並誅之又誅豪右不奉法度者數十家征伐諸夷俘馘千計獲

馬及牛羊數萬餘於是莫不振服威行車土又遣子澄奉表勸進於元帝帝嘉之累加散騎常侍安南將軍假節校尉刺史如故賜爵褒中縣公遜以地勢形便上分牂柯爲平夷郡分朱提爲南廣郡分建寧爲夜郎郡分永昌爲梁水郡又改益州郡爲晉寧郡事皆施行

雲南志略齊永平中以陳顯達爲益州都督顯達一目餘人慢之顯達遣使責其租稅僚帥曰兩目刺史尚不能調况一目耶遂殺其使顯達分遣將帥聲言出獵夜往襲之無少長盡殺之蠻僚震服

梁武帝大同三年武陵王紀都督益州先是蜀亂建寧越嶲之地累朝不能有至紀聞越嶲通建寧貢賦方物十倍前人以焚項爲南寧州刺史

通志隋開皇中史萬歲擊南寧行數百里見諸葛亮紀功碑銘其背曰萬歲之後勝我者過此萬歲令左右側其碑跌志曰萬歲不應仆吾碑萬歲駭重立其碑而進

雲南志略隋開皇中以史萬歲征南蠻蠻皆降師還復叛蜀王秀奏萬歲貪賂致生邊患萬歲以罪廢乃以梁毗爲西寧州刺史諸酋相率以金遺毗毗置金坐側對之慟哭曰此物饑不可食寒不可衣汝等以此相殘何爲今將此來欲殺我也耶一無所取蠻酋大悅

初蠻酋張氏名仁果漢末居蒙舍川爲在諸部之南故曰南詔詔漢語國君也傳至樂進永爲蒙氏所滅蒙氏名細奴邏城蒙舍龍之子圖而都之國號大蒙自稱奇王雲南建國稱王始此唐貞觀三年也

羅皮始得意於六詔蒙氏居蒙舍川號蒙舍詔施望大據石和城號施浪詔豐咩提悉賧川號悉賧詔豐時據浪穹號浪穹詔波衝據越析川號末些詔輔原羅據越嶺號蒙詔是為六詔

皮羅閣詔劍南節度使王昱求合六詔朝廷從之封大會帥越國公雲南王賜名歸義盡有雲南之地自是以後不可復制皮羅閣禪其子閣羅鳳是為武王改元曰建鍾雲南改元始此

閣羅鳳妻女嘗謁都督張虔陀虔陀皆通之且多求乞閣羅鳳不勝其忿遂發兵反攻陷姚州殺虔陀唐以劍南節度使鮮于仲通將兵八萬討之蒙使行成弗許及戰仲通大敗僅以身免閣羅鳳乃結和吐蕃刻石於龍尾閣明其不得已叛唐之意天寶十三年劍南留後李密將兵七萬致討閣羅鳳誘之全軍以沒唐益發兵竟不克前後死者二十餘萬人

異牟尋立制清平官以下十司給服祿徒都且咩城封點蒼山為中岳遣烏蠻鬼主孟衝其來朝復臣於唐與劍西南節度使韋皋連兵伐吐蕃大破之取鐵橋等三十五城

太和二年蠻有學書子弟在成都者盡得蜀之虛實蒙遣清平官蒙其顓大舉入寇取印成戎舊三州遂入成都掠子女百工數萬人南歸

世隆立始僭帝號改元建極世隆自將侵蜀遂破成都自是大渡河以南盡屬蒙矣

宋太祖建隆三年王全斌克蜀欲因取雲南太祖止之曰德化所及蠻自悅服何在用兵於是開邊之算始息

通志投素與宋慶曆中嗣位性好狎遊廣宮室於春登堤上多種黃花名過道金枝雲津橋上多種白花名紫城銀稜每三月必挾妓載酒自玉案三泉迤為九曲流觴男女列坐園草簪花以花盤髻上為飾金花中有素馨香以素典最愛故名又有花遇歌則開有草遇舞則動素典令歌者傍花舞者傍草後以荒逸失國

宋寧宗嘉定十七年元太祖帖木真征東印度至鐵橋石門關前軍報有獸一角形如鹿而馬尾色綠作人言曰汝主宜早還左右皆備獨耶律楚材曰此名角端蓋旄星之精能四方言語好生惡殺聖人在位則斯獸奉書而至且能日馳萬八千里靈異如鬼神不可犯也帝即回馭石門關在麗江府東印度蓋指南詔也

元史賽典赤贈思丁傳太祖西征贈思丁率千騎迎降命入宿衛從征伐以賽典赤呼之而不名十一年帝謂賽典赤曰雲南朕嘗親臨比因委任失宜使遠人不安欲選謹厚者撫治之無如卿者賽典赤拜受命退朝即訪求知雲南地理者畫其山川城郭驛舍軍屯夷險遠近為圖以進帝大悅遂拜平章政事行省雲南賜鈔五十萬緡金寶無算時宗王脫忽魯方鎮雲南惑於左右之言以賽典赤至必奪其權具甲兵以為備賽典赤聞之乃遣其子納速刺丁先至王所請曰天子以雲南守者非人致諸國背叛故命臣來安集之且戒以至境即加撫循今未敢前願王遣一人來共議王聞遂罵其下曰吾幾為汝輩所誤明日遣親臣撒滿位哈乃等至賽典赤問以何禮見對

曰吾等與納速刺丁偕來視猶兄弟也請用子禮見皆以名馬為賀拜跪甚恭觀者大駭乃設宴陳所賜金寶飲器酒罷盡以與之二人大喜過望明日來謝語之曰二君雖為宗王親臣未有名爵不可以議國事欲各授君行省斷事官以未見王未敢擅授令一人還先稟王王大悅由是政令一聽賽典赤所為

雲南俗無禮儀男女往往自相配偶親死則火之為喪祭無杭稻桑麻子弟不知讀書賽典赤教之拜跪之節婚姻行媒死者為之棺槨奠祭教民播種為陂池以備水旱創建孔子廟明倫堂購經史長學田由是文風稍興雲南民以貝代錢是時初行鈔法民不便之賽典赤為開於朝仍許其俗又思山路險遠盜賊出沒為行者病相地置鎮每鎮設土酋吏一人百夫長一人往來者或值劫掠則罪及之有土吏數輩怨賽典赤亦不已用至京師誣其端借數事帝顧待臣曰賽典赤愛國愛民朕洞知之此輩何敢誣告即命械送賽典赤處治之既至脫其械且諭之曰若曹不知上以便宜命我故訴我端借我今不汝罪且命汝以官能竭忠自贖乎皆叩頭拜謝曰某有死罪平章既生之而又官之誓以死報賽典赤居雲南六年至元十六年卒年六十九百姓巷哭葬鄯闡北門交趾王遣使者十二人齎經為文致祭其辭有生我育我慈父慈母之語使者號泣震野帝思賽典赤之功詔雲南省臣盡守賽典赤成規不得輒改

納速刺丁傳納速刺丁累官中奉大夫雲南路宣慰使都元帥至元十六年遷帥大理以軍抵金齒蒲驛曲蠟緬國招安彝寨三百籍戶十二萬二百定相賦

置郵傳立衛兵歸以馴象十二人貢有旨賞金五十兩衣二襲麾下士賞銀有差會雲南省臣於諸彝失撫綏之方世祖憂之近臣以納速刺丁爲言十七年授雲南行中書省左丞尋陞右丞建言三事其一謂雲南省規措所造金薄貿易病民宜罷其一謂雲南有省有宣慰司又有都元帥府近宣慰司已奏罷而元帥府尚存臣謂行省既兼領軍民則元帥府亦在所當罷其一謂雲南官員子弟入質臣謂達官子弟當遣餘宜罷奏可

張立道傳皇子忽哥赤封雲南王往鎮其地詔以立道爲王府文學立道勤王務農以厚民即署立道大理等處勸農官兼領屯田事佩銀符王薨召入朝領大司農事中書以立道熟於雲南奏授大理等處巡行勸農使佩金符其地有昆明池介碧雞金馬之間環五百餘里夏潦暴至必冒城郭立道求泉源所自出役下夫二千入治之洩其水得壤地萬餘頃皆爲良田饑饉之人雖知蠶桑而未得其法立道始教之飼養收利十倍於舊雲南之人由是益富庶羅羅諸山蠻慕之相率來降收其地悉爲郡縣十五年除忠慶路總管佩虎符先是雲南未知尊孔子祀王逸少爲先帥立道首建孔子廟置學舍勸士人子弟以學擇勤士之賢者迎以爲弟子師歲時率諸生行釋菜禮人習禮讓風俗稍變矣行省平章賽典赤表言於朝有旨進官以褒之

十七年立道爲臨安廣西道宣撫使兼管軍招討使仍佩虎符陞辭賜以弓矢衣服鞍馬始赴任會木泥路大酋領必思反扇動諸蠻舉發兵討之拔其城

邑鼓行而前徇金齒甸七十城越麻甸抵可蒲皆下之有遣以馴象金鳳異物者悉獻諸朝二十二年又籍兩江僉士貴岑從毅李維屏所部戶二十五萬有奇以其籍歸有司遷臨安廣西道軍民宜撫使復創廟學於建水路書清白之訓於公廨以警貪墨風化大行

世祖本紀正月丁卯建都王烏蒙及金齒一十二處俱降建都先爲緬所制欲降未能時諸王相吾荅兒及行省右丞太卜參知政事也罕的斤分道征緬於阿昔阿禾兩江造船二百艘順流攻之拔江頭城令都元帥袁世安戌之遂遣招諭緬王不應建都太公城乃其巢穴遂水陸並進攻太公城拔之故至是皆降

至元二十九年春正月丙申雲南行中書省言羅甸歸附後改普定府隸雲南省三十餘年今耕羅甸實慰安撫司隸湖南省不便乞罷之仍以其地隸雲南省制曰可

成宗本紀十二月戊戌立徹里軍民總管府雲南行省臣言大徹里地與八百媳婦犬牙相錯今大徹里胡念已降小徹里復占扼地利多相殺掠胡念遣其弟胡倫乞別置一司擇通習蠻夷情狀者爲之帥招其來附以爲進取地詔復立蒙樣剛等甸軍民官仁宗本紀夏四月壬辰中書省臣言雲南土官病故子姪兄弟襲之無則妻承夫職遠方蠻夷頑獷難制必任土人可以集事今或關員宜從本俗權職以行制曰可

文宗本紀五月己丑置雲南等處宣慰司都元帥府

以土官昭練爲宣慰使都元帥又置臨江元江等處宣慰司兼管軍萬戶孟定路孟自路並爲軍民總管府秩從三品者線蒙慶甸銀沙羅等甸並爲軍民府秩從四品孟併孟廣者樣等甸並設軍民長官司秩從五品四月癸巳雲南威楚路之蒲蠻猛吾來朝貢願入銀爲歲賦詔爲置散府一及土官三十三所皆賜金銀符

研北雜志天曆初雲南大擾武昌運米至八番一石用格幣一千五百貫

通志元馮夢弼爲雲南宣慰司令史嘗因公差抵一站日暮站吏止行問其故閉目搖手不敢言馮怒不從夜行至大溪忽見一物如屋烏刺赤下馬踞泣若告訴狀呼問何物亦閉目搖手不敢言馮乃下馬視之其物轉入溪中腥風臭霧觸人口鼻此瞿前站站吏驚曰今夜馬判上岸麻線何以得過問馬判何物曰螞蝗精也後夢弼官至禮部尚書方言官人曰麻線站役之牧馬者曰烏刺赤

明廬陵郭子章撫黔一日中夜其夫人賦子章問曰猛廷瑞何人子章大咤曰爾婦人安知猛廷瑞且中夜問何爲夫人曰適夢有人粧束如廟中金甲神來喝云我猛廷瑞也過此欲見中丞不得近故來謁夫人耳章曰汝盍問其所由來夫人曰吾固問之渠云吾爲陳巡撫冤死訴帝得請今歸耳章心異之不敢語人逾月而用賀被逮之報至

永平民有受值爲人傭作者以他役逾期不赴主人怒而逐之哀求不納哭而去曰去則母無以食奈何行未幾倦臥道旁夢一人撫其背曰無傷也某山之

原有竹誠往攀而搖之可得米以養覺而憶其山舊遊也往之竹下果得米於時明萬曆庚寅辛卯間也滇中一時所在皆有之晉寧楊全太守時爲司徒郎出差歸里及入京攜以饋其米非稻非麥長三倍稻米作粥不稠濁爲飲潤而甘微帶香味

雲南總部雜錄

山海經西南黑水之間有都廣之野后稷葬焉爰有膏粱膏稻膏黍膏稷百穀自生

神異經西南裔外老壽山爲官以黃銅爲牆後漢書西南夷傳西南夷者在蜀郡徼外有徼昆明諸落西極同師東北至葉榆地方數千里無君長簪髮隨畜遷徙無常自徼東北有作都國東北有冉駹國或土著或逐畜遷徙自冉駹東北有白馬國氏種是也此三國亦有君長

華陽國志南方有布芾竹長百丈圍三丈餘可爲大舟筍味甚美

博物志雲南郡出茶首其音爲蔡茂兩頭鹿也以四月中取其胎可治蛇毒永昌間有之

魏宏南中志雲南郡有點蒼山上有神鹿一身兩頭專食毒草名食毒鹿

水經注溫水西逕昆澤縣南又逕味縣縣故滇國都也諸葛亮討平南中劉禪建興元年分益州郡置建寧郡於此水側皆是高山山水之間悉是木耳夷居

語言不同嗜欲亦異雖曰山居土產平和而無瘴毒溫水又西南逕滇池於西北池周三百里許上源深廣下流淺狹似如倒池故曰滇池也長老傳下流淺言池中有神馬家馬交之則生駿駒日行五百里晉太元十四年寧州刺史費統言督寧郡滇池縣兩神馬一白一黑盤戲河水之上有滇州元封三年立益州郡治滇池劉禪建寧郡治也

寰宇記滇池黃江有大蛇名曰青慈好食人又有大蛇伺鹿過盤繞而吞之吞畢復繞樹其角骨鑽皮而出蛇瘡甚殆死瘞更吞之

震澤紀聞初安南之北雲南之南爲八百車里老撾木邦諸彝有孟密者舊屬木邦木邦有女名費罕弄嫁之孟密其父愛之盡以資井騰焉孟密以是日富

強與木邦相攻兩家俱訟於朝孟密以寶貨賂二萬自兵部諸津要多受其賄者安草勅遣都御史程宗往按其事有可分分之語宗覆奏如安指於是孟密得立爲安撫司宗盡以所侵木邦地界之而木邦勢寢弱反出其下雲南之患由此起至今爲梗云
雪濤談叢滇省風俗每年於六月二十八日各家俱束葦爲臺高七八尺凡兩樹置門首遇夜炳燎其光燭天是日各家俱用生肉切爲膾調以醃蒜不加烹飪名曰喫生總稱曰火節問其故謂弔忠臣王禕留此記蓋爲受命入滇說元梁王降王反殺禕臨其肉若爾則柄槩可也奚忍食生爲耶夫楚人競舟弔屈子也晉人禁烟傷介推也皆有不忍之意焉王公被醢而滇俗斫膾喫生毋乃倒置乎存炳火葦食生可也

圖書編古梁州之南境爲徼外夷地漢置益州郡領於益州郡刺史自唐至宋爲蒙氏段氏所據元置雲南諸路行中書省及肅政廉訪司於中慶又置曲靖等處宣慰司於曲靖臨安等處宣慰司於臨安大理金齒等處宣慰司都元帥府於金齒本朝置雲南等處承宣布政使司都指揮使司提刑按察司並治於雲南府云

魏明帝時昆明國貢獻金鳥鳥由懸洲形如雀而色黃羽毛柔密常吐金屑如粟此鳥畏寒乃處以辟寒臺宮中爭以鳥吐之金飾釵佩故宮人相嘲曰不服辟寒金那得聖人心

黃龍元年越嶲之南獻背明鳥於吳彤如鶴止不向南巢常向北多肉少毛聲音百變聞鐘磬笙竿之聲則奮翅搖頭時以爲祥吳人訛呼爲背亡人以爲不及百年當有喪亂之事後此鳥不知所存
越嶲國有牛割取其肉牛不死經月如故
犀生越嶲以陷牢取之每殺震雷暴雨梁祚魏國統云西南有異犀三角夜行如炬照數百步或時脫角則藏於深密處不令人見王者貴其異以爲替能消除凶逆
昔有人耕於麗江之野忽有雨暴至捲入龍潭至今或見其人及牛犁旋繞其中
洱河八月望夜有珊瑚出水面漁人往往見之世傳海龍獻寶
通志當洱水和洩時林藪翳人莫敢往有二鶴日從河岸行人尾其跡始得平地故大理又名鶴拓今南橋作雙鶴示不忘也

姚安東一里許昔蒙氏時有女於此牧羊一瓶酥土驅之不去掘地遂得清泉名曰白羊井人即其地立聖母祠及開橋頭井得石羊云即酥土之燕後歸於聖母祠其井即白鹽井也

景東蒙化山多有瘴西至末昌始甚澗澗江水皆深綠不時紅烟浮其面日中人不致渡瘴也以春未止於秋杪夾堤草頭相交結不可解名交頭瘴時則行旅皆絕江岸居民多黃瘡早死惟婦女不染也澗澗江在順寧東南四十里歲五六月江中有物色如霜光如火聲如析木破石觸之則死或云瘴母文選謂之鬼彈內典謂之禁水此惟江邊有之郡治絕無

雲南總部外編

通志大理古初國屬天竺木居陸之半爲羅刹所據好吠人有張敬者爲巫祝羅刹惡之一日老僧自西方來敬家託言欲求地藏修敬以告羅刹問需幾許僧身披袈裟手牽一犬指曰但欲吾袈裟一展犬一跳之地羅刹諾僧曰既許合立符券遂就洱水岸畫券石間於是僧展袈裟縱犬一跳已盡羅刹之地羅刹失措欲背盟僧以神力制之不敢背但問何以處我僧曰別有殊勝之居因於蒼山上陽溪化金屋寶

所一區羅刹喜盡移其屬入焉山遂閉僧乃鑿河尾洩水之半是爲天生橋至今洱水島上有赤文如古篆籀云是買地券

周宣王時西竺有國曰摩揭提王曰阿育生三子長福邦次弘德李至德王有神驥一其色如金三子皆欲之王意欲與季而患其爭乃以轡私授至德縱戰東馳命三子曰捕獲者主之三子各部衆追至滇池上長子意馬飲滇池何而還之不獲仲子意馬至旬中亦不獲至德追至東山松林以轡還之馬見轡而就遂獲焉王思遠慮恐不得歸遣舅氏神明統兵以援將歸哀牢彝阻道不返既歿福邦爲君難山神弘德爲嚴頭山神至德爲金馬山神今安寧有龍馬跳澗山並草溪井龍馬河即其所經之地石上蹄跡深尺許

哀牢彝蒙迦獨一曰抵牢宜捕魚死江中其妻沙壺哭之哀觸浮木書浣絮其上若有感因懷妊十月產十男一日往江邊浮木化爲龍出水上游沙壺曰若爲我生子今安在九子怖而走惟季子不去背龍坐龍因舐其背彝語謂背爲九謂坐爲陸因名子曰九隆其十子曰肩附羅曰牢宜廉曰牢宜諾曰牢宜開曰牢宜焉曰牢宜託曰牢宜林曰牢宜領曰牢宜閏九隆長而點驚嘗有天樂奏鳳凰棲五色花開之祥衆遂推爲酋長時哀牢山下有奴疲息者生十女九隆弟兄娶之厥後種類蔓延分據谿谷是爲六詔之始

省城沙浪里有龍湫相傳龍昔出遊變形爲人委其鱗甲於石間有賈人憩石上見甲胄一具如龍鱗乃

服之忽腥風起湫中水族迎之而入有頃龍至覓其甲不得走入水中水族不能辨相率拒之賈遂爲龍據其湫鄉人識之呼爲貨郎龍

唐時楊都師創洱河東羅荃寺寺前有田四十畝每栽秧約三日傭者戲師曰若能繫日當爲畢栽師默念呪田栽既畢而日方曠傭歸始知已歷二晝矣山下有黑龍常作風浪覆舟師以白犬吹之龍怒而出師視龍蜿蜒若教誨之有頃龍馴悅而去先是河浪九疊師以念珠鞭之去其三疊河乃爲順可舟唐末微間有一老僧美髯戴赤蓮冠衣袈裟持鉢至蒙舍細奴邏家乞食時邏父子耕龍山下姑婦往餉見僧乞食遂食之再炊往餉僧坐不去持鉢中道僧已先在復向乞食姑婦驚怪又食之返而復炊持鉢具至巍山則見僧坐磐石前有青牛左有白馬朱鼠右有白象各馴伏上覆雲氣雲中有二童子一執鉄杖於左一執金鏡於右姑婦驚喜再供之僧問何所願二女不知僧曰弄葉相承二女趨奴邏等至則但見五色雲中一人持鉢而坐彷彿見二童子唯餘磐石上衣痕及象馬牛之跡

唐時漁人於洱河岸得鴨遺卵收之有頃卵破出嬰兒漁人驚異不敢加害嬰兒能食即解種種伎倆長而爲僧居崇模莊人呼爲崇模師能呼致風雨驅役鬼神指使如意又能以待呪化水石爲酒食千百人皆醉飽南詔憚之師輒化爲鵬飛集高真寺不知所終

南詔豐祐之女進香崇真寺歸至城西見乘白馬人攝去尋之不得王告於僧贊陀曰此山神也乃設燈

照之果在蒼山下僧怒欲行法移山於河神懼願獻珍寶王從之

南詔蒙遜最時有一僧持錫杖鉢孟牽一白犬乞食開南郡窮石村村素有盜善殺人僧犬爲其盜食僧曰汝村盜吾犬村中罵僧爲誣僧乃呼犬犬遂嗥於衆人之腹中衆謂妖執而殺之解其支體須臾復生謂衆人曰人不可殺死必有生衆爲讎對衆仍斬之更復生又殺之焚其骨爲灰盛以截竹棄之江心須臾僧裂竹而出形體復完執柳瓶著屨履向山而去村主王樂等走馬追之不及射之箭落皆變蓮花始稽首伏罪村衆自是棄刀弓務農業今洱河東有上滄湖產蓮花菜是其跡也

省中相傳昔有人素貧困遇蒼山神授以異術忽生肉翅能飛一日至南詔宮攝其女入玉局峰爲夫婦凡飲食皆能致之後問女安否女云太寒耳其人聞河東高僧有七寶袈裟飛取而還僧覺以法力制之遂溺水中女望不至憂鬱而死其精氣化爲雲條起倏落若探望之狀此雲一出洱河中即有雲應之颺風旋起舟遇即覆人戒停泊俗又呼爲無渡雲

五代時趙善政居浪穹天馬山下其山左澗有水右澗無水有樵青神者善鬼法衆樵謂之曰若能分水於右澗乎青神曰不難遂以斧柯觸右澗水湧出與左澗均人居在右者咸利之遺跡尚存

明太祖方有瘡謨尚未發童子即詣於道窮究之云有老人泄其事老人蓋後湖土地也上怒謫雲南憑於昆明進耳山寺中新夢多驗人比於閩之九鯉

欽定古今圖書集成方輿彙編職方典

第一千四百五十七卷目錄

雲南府部彙考一

雲南府建置沿革考

雲南府疆域考

雲南府星野考

雲南府山川考一

職方典第一千四百五十七卷

雲南府部彙考一

雲南府建置沿革考

本府

通志

唐虞爲南交昧谷之交夏商爲梁州域周合梁

於雍國曰鄯闡戰國屬楚號滇國漢武帝置益

州郡東漢仍之蜀漢改建寧郡晉分益州置寧

州李特據蜀屬漢州後晉滅蜀復有其地隆安

初又立晉寧郡宋仍爲寧州齊爲寧州鎮梁陳

均爲寧州隋置昆州唐武德初置南寧州尋改

置雲南郡麟德初置姚州都督府開元末皮邏

閣併六詔爲一遂稱南詔後置十賧以雲南爲

雲南賧貞元中尋內附太和中復叛改爲善闡

府至宋爲段氏竊據元初置善闡萬戶府至元

中改中慶路明改爲雲南府領州四縣九

皇清因之康熙八年裁歸化縣入呈貢縣裁三泊縣

入昆陽州領州四縣七
昆明縣附郭

漢滇池縣地隋昆州地唐晉寧縣地元初置二

千戶所改置善州領昆明官渡二縣後廢州尋

又併官渡總爲一縣明昆明縣

皇清因之康熙二十六年裁左右中前後五衛及廣

南衛分境屯賦併縣

富民縣

唐初爲西寧州地貞觀中改西寧曰黎州號黎

漢何元至元初立千戶所後改富民縣明富民

縣

皇清因之康熙二十六年裁右衛分境屯賦併縣

宜良縣

唐爲囉裏籠貞觀中置匡州領匡川等縣元初

立宜良及大池千戶所至元中改置宜良州領

大池大赤二縣後改州爲縣併二縣入焉明宜

良縣

皇清因之康熙五年裁宜良所二十六年又裁左前

中後四衛分境屯賦併縣

嵩明州

戰國楚滇國地爲烏蠻車氏等所居後爲杞氏

所奪故名杞禮漢立長州建金城阿葛二城因

築臺與蠻盟故曰嵩盟唐蒙氏置長州郡宋段

氏改嵩盟郡元初立嵩明萬戶府至元中改爲

長州尋陞爲嵩明府後改爲州領楊林邵甸二

縣明洪武中省邵甸縣成化中省楊林縣俱併

入州更置爲明

皇清因之康熙二十六年裁左右中前後廣六衛楊
林木密鳳梧三所分境屯賦併州

晉寧州

漢滇池縣地晉隆安初置晉寧州唐武德初置

晉寧縣後蒙氏段氏皆爲陽城堡部元初立陽

城堡萬戶府至元中復置晉寧州明以歸化呈

貢二縣隸焉

皇清因之康熙八年裁歸化併入呈貢康熙二十

年裁左右中前後廣六衛分境屯賦併州

呈貢縣

漢有故城曰晨貢世爲烏白些門些莫徒阿茶

焚五種蠻所居元初立呈貢千戶所至元中改

爲晨貢縣明改爲呈貢縣

皇清因之康熙八年裁歸化縣入焉康熙二十六年

裁左前廣中四衛分境屯賦併縣

安寧州

戰國楚滇國地漢益州郡之連然縣晉

屬建寧郡隋屬昆州唐武德初置安寧縣隸昆

州宋段氏以高氏守之元初隸陽城堡萬戶府

至元初立安寧千戶所後改爲安寧州明安寧

州

皇清因之康熙五年裁安寧所康熙二十六年又裁

左前右三衛分境屯賦併州

羅次縣

唐烏蠻羅部所居宋大理高白連慶治其地元

至元中置羅次州隸中慶路後改爲縣屬安寧

州明弘治十二年改屬雲南府

皇清因之康熙二十六年裁右後二衛分境屯賦併
縣

祿豐縣

漢古祿摩甸烏蠻雜居初江有石如輿俗名祿
摩訶為祿豐宋時大理高智昇于義勝治其地
名祿豐元初隸安寧千戶所至元中置祿豐縣
屬安寧州明祿豐縣

皇清因之康熙二十六年裁右後二衛分境屯賦併
縣

昆明州

漢屬益州郡地晉屬寧州梁襲蠻據南寧彝
蠻亂降拜昆明刺史唐開元前置河東等二十
二州隸嵩州改隸黎州都督後沒於南詔宋段
氏以高氏守之名巨橋城元立巨橋萬戶府至
元中改為昆明州明昆明州

皇清因之康熙八年裁三泊入焉康熙二十六年裁

前廣右中後五衛分境屯賦併州

易門縣

漢烏蠻所居宋時大理高福守其地元至元間
立洩門千戶所隸巨橋萬戶府尋改為易門縣
明易門縣

皇清因之康熙五年裁易門所屯賦併縣

雲南府疆域圖



雲南府疆域考

通志府志合載

本府

東至曲靖府舊本密所界一百三十里
西至楚雄府廣通縣界二百四十五里
南至澂江府河陽縣界五十里
北至曲靖府尋甸州界七十五里
東西廣三百七十五里南北袤一百二十五里
昆明縣 附郭
東至嵩明州界六十里

西至安寧州界四十里

南至呈貢縣界三十里

北至富民縣界五十里

東西廣一百里南北袤八十里

富民縣

東至嵩明州界三十里

西至羅次縣界三十里

南至昆明縣界三十里

北至武定府和曲州界四十里

東北四十里至阿那宰交尋甸州界

西北四十里至核桃箐背山交羅次縣界

東西廣六十里南北袤七十里

宜良縣

東至澂江府路南州界二十里

西至呈貢縣界四十里

南至澂江府河陽縣界三十里

北至嵩明州界三十里

東西廣六十里南北袤六十里

嵩明州

東至曲靖府舊本密所界五十里

西至富民縣界七十里

南至舊楊林所界三十里

北至曲靖府尋甸州界一十五里

按縣志東抵易隆驛七十里自界至州五十里

南抵宜良縣九十里自界至州六十里

西抵昆明縣一百二十里至州六十里

北抵尋甸州七十里自界至州二十里

東南抵曲靖府二百里自界至州五十里
西南抵呈貢縣一百一十里自界至州六十里
西北抵武定府二百五十里自界至州一百里
東西廣一百二十里南北袤四十五里
晉寧州
東至河陽縣界五十里
西至昆明州界八里又水路至昆明縣界八十
里
南至河陽縣界五十里
北至呈貢縣界五十里
按州志東至潞江府五十里
西至昆明州四十里
南至江川縣九十里
北至呈貢縣六十里
東北至嵩明州一百八十里
東南至路南州一百五十里
西南至新興州一百二十里
西北至安寧州一百六十里至會城九十里
東西廣四十五里南北袤六十里
呈貢縣
東至宜良縣界五十里
西至昆明縣界三里又水路至昆明界四十
里
南至晉寧州界五十里
北至昆明縣界十里
按縣志東南抵潞江府界七十里
東北抵板橋界四十里

東西廣五十三里南北袤六十里
安寧州
東至昆明縣界二十里
西至祿豐縣界六十里
南至昆明州界十五里
北至富民縣界六十里
按州志東至橋頭村二十五里至省城七十里
西至祿脹六十里至祿豐一百二十里
南至黃塘村十里至昆明州八十里
北至雙梅界牌七十里至羅次一百四十里
東西廣八十里南北袤七十五里
羅次縣
東至富民縣界三十里
西至祿豐縣界三十里
南至安寧州界六十里
北至武定府和曲州界三十里
按縣志東三十五里至響地哨交富民縣界
西二十里至大河交祿豐縣界
南六十里至界牌村交安寧州界
北三十里至白花山交和曲州界
東南四十里至吉家哨交昆明縣界
西南三十里至得庄鋪交祿豐縣界
西北四十里至梅子箐交和曲州界
東北三十里至核桃箐交富民縣界
東西廣六十里南北袤九十里
祿豐縣
東至羅次縣界三十里

西至楚雄府廣通縣界三十五里
南至易門縣界一百二十里
北至武定府和曲州界四十里
按縣志東距安寧一百四十里由南門十餘里
接羅次棟樹鋪三十五里經煉象堡抵楊老人
哨白寒廠四十五里方屬縣境中間屬有羅次
之清水溝越七十里至老獨關尋安寧祿脹之
西門交界蓋八十里也
西距廣通一百三十里
南接易門一百二十里
北接武定一百五十里
東北至羅次八十里皆山嶺險境羊腸鳥道漢
少彝多地廣村稀雲屬州縣之遼闊莫過於此
東西廣六十五里南北袤一百六十里
昆明州
東至晉寧州二十里又水路至昆明縣界一百
二十里
西至易門縣界九十里
南至潞江府新興州界三十五里
北至昆明縣界四十里
東西廣一百一十里南北袤七十五里
易門縣
東至昆明州界三十五里
西至楚雄府南安州界一百里
南至臨安府麗賓縣界六十里
北至祿豐縣界三十里
東西廣一百三十五里南北袤九十里